



partii naleraq

Nuuk 03. April 2019
UPA2019/52
Pele Broberg Partii Naleraq

Landskarsimit tapiiffigineqartartussamik nammineq piumassuseq tunngavigalugu suliffissaaleqilernissamut sillimmasiisarfirmik pilersitsisinnaanermut atatillugu inuiaqatigiinnut sulisartunullu aningaasatigut iluaqutissartai akorngutaalu pillugit misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilanngunneqassapput periuseq ataatsikkut sullivinnut tamanut atuuttoq kiisalu periuseq sullivinnut assigiinngitsunik suliaqartunut ataasiakkaanut atuuttusaaq ilaatillugu kattuffiit pineqartumut isumaat. Misissuinerup inernera Inatsisartunut ilaasortanut agguanneqassaaq kingusinnerpaamik UKA2020-mi.

Inatsisartunut ilaasortaqaq Steen Lyngø, Demokraatit

Partii Naleqqamiit siunnersuuteqartoq Steen Lyngø siunnersuutaanut qutsaviginiarparput, imatullu oqaasertalerlugu.

Allaffissornikkut sipaarniarluta namminersortut kiffaanngissuseqarnissaat Partii Naleqqamiit pingaartikkatsigu siunnersuut aammalu Naalakkersuisut allannguutissatut siunnersuutaat itigartipparput.

Partii Naleqqami upperaaput suliffiuteqarlutik namminersortut aammalu akileraartarnikkut akiliisartut artukkeqqillugit isumatusaarnerunngitsaq.

Akerlianik upperaaput periarfissaareersut atorluarlugit isumatusaarnikkut inuiaqatigiit aningaasaataat atorneqassasut.

Oqallinnermi takusinnaavarput naleraqaratik politikikkut suliniutit ingerlanneqartarnerat. Ilaasa eqqartorpaat mittarfissualiornermut pilersaarutit suliffippassuarnik pilersitsissasut, akерlianillu iluarineqarani pisortat akiligaannik isorliunerusut tapiiffigineqartarnerat.

Paatsoorneqarsinnaanngilarmi assersuutigalugu 200 koruuninik akiliilluni suliffimmik pilersitsigaanni, taannalu suliffik ukiut 25-it ingerlaneranni 100 koruunit nalinganut iluaqutaappat, taava taanna pisortat akiligaattut suliffiuvoq imminut napatinngitsutut inissisimasooq.

Qallunaat nunaani “A-karsi” atorneqarnera pilerinarsinnaaqisoq, nunatsinni akileraarutit akitsuutillu qaffasereeqisut nunatta inuinit naleqqutinngitsutut Partii naleqqamiit isumaqarpugut.

Siunnersuut liberalit eqqarsartaasianiinngitsooq tupinnanngilaq, nioqqutissat akiinut aamma qaffaasoqarsinnaanerannik kinguneqartussaasooq aarleqqutigaarput.

Maanna utoqqalinersiaqalernissamut peqqussummik ilanngussinikuuvugut, ukiuni tulliuuttuni isertitat 10% tungaanut utoqqalinersiuteqarnissamut nakkartitsisarnissaq piunasaqaataalluni. Aamma qaavatigut sulisartut peqquniarutsigit akilersueqqinnissaannut “A-karsimut” aningaasalersuinissamut, inuup kiffaanngissusaa kalluarneqassaaq.

Partii Naleqqamiit sulisartut angerlartitaasernerat “A-karsimik” amigaateqarnermik aallaveqarsorinngilarput.

Inuiaqatigiit akornatsinni takussaaleralluttuinnarput nunanit allanit suliarlorlutik tikisitat. Tamanna imminerminik Partii Naleqqamiit ajortussaartinnngilarput, tassami nunatta ineriartornissaa anguniarlugu assaat amigaatigisagut tikilluaqqugatsigit.

Taamaattorli Partii Naleqqamiit akuersaarsinnaanngisarput tassaavoq nunatta inui akigalugit, sulisunik angerlartitsisarneq.

Akuersaarneqarsinnaanngilaq tikisitaq fabrikkimi sulisiinnarlugu akerlianillu nunaqavissoq pilliutigalugu angerlartitsisarneq.

Suliffeqarfik Namminersorlutik Oqartussanit tamakkiisumik pigineqartoq tassa innuttaasunit pigineqartoq ulluinnarni ingerlanneqarnerani inuiaqatigiit oqartussaaqataanerit Partii Naleqqamiit ujarporparput. Ilaatigut siunnersuuteqarpugut suliffeqarfiit siunertaat ullutsinnut tulluarsarneqassasut aningaasarsiorneq atuisut kaasarfiit imaaqqiffissaarullugit pissuseqarsinnaaneq unitsinniarlugu.

Nunap inui imminnut napatissinnaasut, soqutiginnillutik ullut tamaasa suliarortartut Partii Naleqqamiit pillassallugit pisussaaffeqanngilagut allaffissorneruneq akilersussallugu nutaamik pilersitsinikkut.

Taamatut oqaasertalerlugu Partii Naleqqamiit siunnersuut allannguutissatullu Naalakkersuisut siunnersuutaat itigartillugit.

Qujanaq